

相心無分別而諸眾生恒聞說法舍利弗菩薩摩訶薩如是智慧不住有為不住無為不住諸陰不住界入不住內外不住善法及不善法不住世間及出世間不染不淨不住有漏不住無漏不住過去未來現在不住數緣滅不住非數緣滅舍利弗是菩薩摩訶薩如

是行般若波羅蜜心無所住而能通達一切諸法以無礙智無功用力為眾生說常在寂靜而教化事無有休息舍利弗菩薩摩訶薩宿願強故無功用心為人說法舍利弗菩薩摩訶薩以般若波羅蜜方便力故無諸怖畏何以故執金剛神常守護故若行若立若坐

若卧恒不遠之舍利弗菩薩摩訶薩聞說深般若波羅蜜心不驚不怖不疑不悔當知是人已得受記何以故信受般若波羅蜜近佛境界故以此一心則能通達一切佛法達佛法故利益眾生不見眾生與佛法異何以故理無二故

崑山縣金真卿第伍保云二百餘年 佛弟子將四萬八千餘
施財利難經功德用資求報福慧二願現生壽考無病無災

勝天王般若波羅蜜經卷第四 羽四

恨戾 上胡懇反下惡強項之類 抑挫 下則卧反 盲

瞎 下許八反失兩目也 偃背 上舒反 裸形 上

界 反赤也 中天 下於小喪 多身 上音隻 杵上 上反

芒 亡音茅 稗子 上音賣反 薯預 上音時

芋 于句 藕 根也 蓮 此云有牧牛目

放犂 古侯反也 糜 蜜研也 輻輪 上音巨 詎 音巨

倒仆 仆蒲也 糜 上音巨 詎 音巨

比丘清書

勝天王般若波羅蜜經卷第五

陳優禮尼國三子月婆首那譯

勝天王般若波羅蜜經所得品第八

今時眾中有一菩薩摩訶薩名須真胛白勝天王言如來為大王受記乎勝天王答善思惟菩薩言善男子我受記如夢相又問大王

羽五

一

如此受記當得何法答言善男子佛授我記竟無所得又問無所得者爲是何法答曰不得衆生壽者人養育陰界入悉無所得若善不善若染若淨若有漏若無漏若世間若出世間若有爲若無爲若生死若涅槃悉無所得又問若無所得用受記爲答曰善男子無

所得故則得受記又問若如大王所說義者則有二智一無所得二得受記答曰若有二者則無受記何以故佛智無二諸佛世尊以不二智授菩薩記又問若智不二云何而有授記得記答曰得記授記其際不二又問不二際者云何有記答曰通達不二際即是受

記又問大王任何際中而得受記答曰在我際得受記任衆生際壽命際人際得受記又問我際當於何求答曰當於如來解脫際求又問如來解脫際復於何求答曰當於無明有愛際求又問無明有愛際當於何求答曰當於畢竟不生際求又問畢竟不生際當於

何求答曰當於無知際求又問無知者爲無所知云何於此際求答曰若有所知求不可得以無知故於此際求又問此際無言云何可求答曰以言語斷是故可求又問云何言語斷答曰諸法依義不依語又問云何依義答曰不見義相又問云何不見答曰不生分

別義是可依我爲能依無此二事故名通達又問若不見義此何所求答曰不見不取故名爲求又問若法可求即是有求答曰不尔夫求法者是無所求何以故若是可求則爲非法又問何者是法答曰法無文字亦離言語又問離文言中何者是法答曰文言性離

心行處滅是名爲法一切諸法皆不可說其不可說亦不可說善男子若有所說即是虛妄中無實法又問諸佛菩薩常有言說皆虛妄乎答曰諸佛菩薩從始至終不說一字云何虛妄又問若有所說云何過答曰謂言語過又問言語何咎答曰謂思量過又問何

勝天王經

二

法無咎答曰無說所說不見二相是則無咎
 又問過何為本答曰能執為本又問執何為
 本答曰著心為本又問著何為本答曰虛妄
 分別又問虛妄分別以何為本答曰攀緣為
 本又問何所攀緣答曰緣色聲香味觸法又
 問云何不緣答曰若離受取則無所緣以是

義故如來常說諸法平等說此法門時眾中
 五千比丘得遠塵離垢法眼淨一萬二千菩
 薩得無生法忍無量無邊眾發阿耨多羅
 三藐三菩提心尔時勝天王即從座起偏袒
 右肩右膝著地合掌向佛頭面作禮而白佛
 言世尊善男子善女人聞是般若波羅蜜云

何未發阿耨多羅三藐三菩提心者即能發
 心皆悉成就得不退轉行常勝進而無墮落
 佛告勝天王言大王諦聽善思念之當為王
 說善男子善女人聞般若波羅蜜行得勝進
 無有退墮勝天王言善哉世尊唯然願聞佛
 告勝天王言大王若善男子善女人聞般若

波羅蜜以清淨意發阿耨多羅三藐三菩提
 心具足正信親近賢聖樂聞正法遠離嫉妬
 無有慳悋常修寂靜好行布施心無隔礙恒
 離穢濁正信業果心不疑惑知黑白報設為
 身命不應作者終不為之大王善男子善女
 人如是行般若波羅蜜則遠離殺生不與取

邪淫妄語

三

邪淫妄語兩舌惡口綺語貪瞋邪見心常繫
 念此十善法大王善男子善女人行般若波
 羅蜜以方便力若見沙門婆羅門正行精進
 戒品清潔多聞解義常起正念心性調伏寂
 靜不散口恒愛語遠離諸惡不善之法修習
 眾善不自矜高於他不下不作惡口及無義

語不捨念處其心調直能斷有流善拔毒箭
 捨離重擔超出有難已度後有大王善男子
 善女人行般若波羅蜜若見如是菩薩摩訶
 薩則應親近依止是人為善知識菩薩摩訶
 薩以方便力而為說法善男子施得大富持
 戒生天聽法大智又復告言此是布施此是

施報此是嫉妬是嫉妬報此是忍辱是忍辱報此是精進是精進報此是禪定是禪定報此是般若若般若報此是愚癡是愚癡報是身善業身善業報是身惡業身惡業報是口善業口善業報是口惡業口惡業報是意善業意善業報是意惡業意惡業報諸善男子

善女人此法應作此不應作若如是修致長夜樂不如是作得長夜苦大王善男子善女人以方何力親近善知識得聞如是次第說法菩薩摩訶薩若知彼人是法器者則應為說甚深般若波羅蜜所謂空無相無願無作無生無滅無我無衆生無命無人而說甚深因緣法因此法生彼法生此法滅彼法滅所謂無明緣行行緣識識緣名色名色緣六入六入緣觸觸緣受受緣愛愛緣取取緣有有緣生生緣老死憂悲苦惱無明滅則行滅行滅則識滅識滅則名色滅名色滅則六入滅六入滅則觸滅觸滅則受滅受滅則愛滅愛

滅則取滅取滅則有滅有滅則生滅生滅則老死憂悲苦惱滅大王菩薩摩訶薩行般若波羅蜜以方便力作如是說於真實中無有一法可生可滅何以故世間諸法皆因緣生無我作者因緣和合無一實法受生滅者虛妄分別於三界中但有假名隨業煩惱而受

楞伽經卷第三

果報若以般若波羅蜜如實觀察一切諸法無生無滅無作受者若法無作是亦無行則於諸法心無所著謂不著色受想行識不著眼色識不著意法識大王菩薩摩訶薩作如是說一切諸法自性空離不取不著善男子善女人因如是說則無退失大王菩薩摩訶薩行般若波羅蜜樂見諸佛樂聞正法不墮卑賤在所生處不離見佛聽受正法供養衆僧面見諸佛勇猛精進志求正法不著有爲妻子僕隸生生所資悉不貪著不染諸欲常依正教憶念諸佛離俗出家如聞修行轉爲他說心無求望見聽法衆常生大慈一切衆

生而起大悲多聞廣學不惜身命少欲知足
 常樂遠離但採義理不滯言辭說法修行不
 為自身唯化衆生得無上樂所謂佛智大王
 菩薩摩訶薩行般若波羅蜜如是修行遠離
 放逸攝護諸根若眼見色不著色相如實觀
 察此色過患耳聲鼻香舌味身觸意法亦亦

若縱諸根名為放逸若能攝護名不放逸菩
 薩摩訶薩行般若波羅蜜調伏自心將護他
 意名不放逸遠離貪欲心順善法覺觀瞋癡
 不善根本身惡口惡及以邪念一切不善皆
 悉遠離名不放逸菩薩摩訶薩行般若波羅
 蜜心常正念名不放逸大王菩薩摩訶薩行

有等六

五

般若波羅蜜一切諸法信為其首正信之人
 不生惡趣心不行惡聖人所讚大王菩薩摩
 訶薩行般若波羅蜜如法修行在在生處常
 得值佛遠離二乘安住正道得大自在成就
 大事如來正智菩薩摩訶薩行般若波羅蜜
 欲求安樂當勤隨順薩婆若路大王今此大

衆得聞深般若波羅蜜已於過去無量百千
 万劫供養諸佛修習善根是故應當勤加精
 進勿令退失大王若天若人能制諸根不著
 五欲遠離世間常修出世三業清淨習助道
 法名不放逸大王菩薩摩訶薩行般若波羅
 蜜正信具足心不放逸勤修精進令得勝法

名不放逸大王菩薩摩訶薩欲具正信心不
 放逸精進正念當學般若波羅蜜因是念智
 能速成就阿耨多羅三藐三菩提法大王菩
 薩摩訶薩行般若波羅蜜具足正信心不放
 逸勤修精進即得正念用是念智知有知無
 云何有無若修正行得正解脫是名為有若

修邪行得正解脫是名為無眼耳鼻舌身意
 世諦為有真實中無菩薩摩訶薩勤修精進
 能得菩提是名為有懶墮菩薩得菩提者是
 名為無若說五陰皆從虛妄顛倒而生是名
 為有若謂世法不從因緣自然生者是名為
 無色是無常苦敗壞法是名為有若言常樂

非敗壞法是名為無受想行識亦復如是無明緣行是名為有若離無明而行生者是名為無行緣識乃至生緣老死憂悲苦惱皆亦如是施得大富是名為有施得貧窮是名為無清淨持戒得生善道是名為有若生惡趣是名為無乃至般若波羅蜜能得成聖是名為有修行般若波羅蜜作凡夫者是名為無若修多聞能得大智是名為有得愚癡者是名為無若修正念能得出離是名為有不得為無若行邪念不得出離是名為有得者為無無我我所能得解脫是名為有我所而得解脫是名為無若言虛空遍一切處是

明經天至五

六

世諦故有不起常見知因緣法本性自空不生斷見於諸佛教如實通達大王諸佛如來略為菩薩說是四法世間沙門婆羅門及長壽天心皆著常為破此執說行無常有諸天人多貪著藥為破此計說一切苦外道邪見著身中我為破此執而說無我又復為破增

上慢人是故而說涅槃寂靜說無常者令其志求究竟之法為說苦者令離願求說無我者為顯空門說寂靜者令達無相大王菩薩摩訶薩行般若波羅蜜如是修學於諸善法終無退墮速成阿耨多羅三藐三菩提爾時勝天王白佛言世尊菩薩摩訶薩行般若波

羅蜜修何等行擁護正法佛告勝天王言大王菩薩摩訶薩行般若波羅蜜行不違言敬重尊長隨順正法心行調直諸根寂靜遠離眾惡不善之法修習善根名護正法大王菩薩摩訶薩行般若波羅蜜修身業慈悲口業慈悲意業慈悲不求名利持戒清白遠離諸

明經天至

七

見名護正法大王菩薩摩訶薩行般若波羅蜜不隨愛行不隨瞋行不隨癡行不隨畏行名護正法大王菩薩摩訶薩行般若波羅蜜修習慙愧名護正法大王菩薩摩訶薩行般若波羅蜜說法修行悉如所聞名護正法大王三世諸佛為護正法是故擁護天王人王

令法久住說是陀羅尼

多姪他阿吼羅理我同吼羅婆下我同底却

反下厚羅挈下我同莎下我同茶下我同拓拓拓拓

悉同富挈下我同義多義延多

義也莎摩下我同奢摩祢柯羅毘瓠瓠瓠

底把反姑羅婆底金反季阿毘反彭奢底祢

莎羅祢杜闍 杜摩底 阿婆拖祢 婆拖

跋多跋多孺莎履哀多孺悉蜜履底提婆多

孺悉蜜履底

若龍夜叉軋闍婆阿修羅迦樓羅緊那羅摩

睺羅伽一切衆生皆得安隱大王此大神呪

三世諸佛為護正法擁護天王人王宜應誦

持怨賊惡難魔障正法皆悉消滅諸佛如來為令正法久住世故護天人王使其護法說是般若波羅蜜神呪法門時一切天宮大地諸山大海皆悉震動衆中八萬衆生發阿耨多羅三藐三菩提心尔時勝天王以七寶網彌覆佛上而白佛言世尊菩薩摩訶薩行般

若波羅蜜修何等法於阿耨多羅三藐三菩提心不移動佛告勝天王言大王菩薩摩訶薩行般若波羅蜜修無礙大慈無厭大悲成辦大事勤加精進學空三昧修平等智以方便力則能通達清淨大智明了如實三世平等無有障礙履三世佛所行之道大王菩薩

摩訶薩行般若波羅蜜修如是法於阿耨多羅三藐三菩提心不移動勝天王白佛言世尊菩薩摩訶薩云何行般若波羅蜜聞佛不思議事不怖不畏不驚不悔佛告勝天王言大王菩薩宜應具足般若具足闍那近善知識樂聞深法了知諸法皆悉如幻悟世無常

勝天王

八

心不住着猶如虛空知一切法生必有滅大王菩薩摩訶薩行般若波羅蜜修如是法聞佛不思議事不怖不畏不驚不悔勝天王白佛言世尊云何菩薩摩訶薩行般若波羅蜜於一切處而得自在佛告勝天王言大王菩薩摩訶薩行般若波羅蜜修五神通具足無

礙諸解脫門四禪四無量心方便般若波羅蜜於一切處而得自在勝天王白佛言世尊菩薩摩訶薩行般若波羅蜜得何等門佛告勝天王言大王菩薩摩訶薩行般若波羅蜜得闍那門能入衆生諸根利鈍得般若門分別句義得陀羅尼門惣知一切語言音聲得

無礙門說法不盡大王是名菩薩摩訶薩行般若波羅蜜得是諸門勝天王白佛言世尊菩薩摩訶薩行般若波羅蜜得何等力佛告勝天王言大王得寂靜力成就大悲故得精進力成就阿鞞跋致故得多聞力成就大智故得信樂力成就解脫故得修行力成就出

離故得忍辱力愛護衆生故得菩提心力斷除我見故得大悲力教化衆生故得無生忍力成就十力故大王菩薩摩訶薩行般若波羅蜜成就如是等力說是法門時衆中五百菩薩得無生法忍八千天子得阿鞞跋致一萬二千天子得遠塵離垢法眼淨四万人天

聖王五

九

發阿耨多羅三藐三菩提心

勝天王般若波羅蜜經證勸品第九

尔時佛告勝天王言過去之世阿僧祇阿僧祇劫不可數不可思量此時有佛名功德寶王如來應供正遍知明行足善逝世間解無上士調御丈夫天人師佛世尊國名寶莊嚴劫名善觀時世豐樂無諸疾惱人天往來不相隔礙地平如掌無有山陵迥阜荆棘生諸細草柔軟青紺如孔雀毛長可四寸下足則靡舉步隨昇種種名華須摩那華占蔔伽華及餘軟草皆悉周遍不寒不熱四時調和純青瑠璃以成其地世界衆生心性柔善制伏

三毒不隨之行時功德寶王佛有聲聞眾一
 万二千那由他人菩薩摩訶薩眾六千二億
 人時人壽命三十六億那由他歲或復中天
 有一國土名無垢莊嚴其城南北廣一百二
 十八由旬東西八十由旬十千園苑以為嚴
 飭十千小國周遍圍遶轉輪聖王名曰治世
 七寶具足王四天下已曾供養無量諸佛深
 種善根不退阿耨多羅三藐三菩提心有四
 園苑妙華莊嚴功德悅意孔雀遊戲四時適
 樂城壁厚十六由旬門堞樓觀悉用七寶有
 四大池皆廣半由旬七寶為岸閻浮檀金以
 成階道底布金沙池中之水具八功德生寶
 蓮華鳧鴈鴉鴛鴦狉狉遊戲其中岸烈諸
 樹白檀赤檀尸梨沙等上有鸚鵡舍利迦鳥
 翔集遊戲王之內宮七十千人相貌端正承
 事實女咸悉發心向阿耨多羅三藐三菩提
 王有千子大力勇健能摧怨敵具二十八
 丈夫相莊嚴其身悉已發心向阿耨多羅三

藐三菩提今時功德寶王如來與無量天龍
 夜叉乾闥婆阿脩羅迦樓羅緊那羅摩睺羅
 伽人非人等前後圍遶入無垢莊嚴大城治
 世聖王即與七寶千子官人奉迎世尊施設
 種種微妙供養今時世尊及諸大眾受供養
 已還歸本處王與七寶千子內人出城奉送
 亦即還宮時治世王忽自歎曰人身無常富
 貴如夢諸根不鞏正信甚難值佛聞法如優
 曇華時彼千子知其父王戀仰世尊樂聞正
 法即為營造牛頭旃檀七寶莊嚴妙臺其香
 一兩直閻浮提此臺東西廣十由旬南北十
 三由旬四角大柱眾寶莊嚴十千寶輪諸子
 將送奉獻聖王時王受已而讚歎曰善哉諸
 子我欲詣佛聽受正法今時千子於此臺中
 造師子座安處聖王及諸官人其臺四邊懸
 繒幡蓋覆七寶網角垂金鈴種種諸華占蔔
 迦華須摩那華優鉢羅華拘物頭華分陀利
 華迦摩羅華而散臺上燒無價香泥香塗之

釋迦王三子

十

末香以散尔時千子共捧此臺人各一輪飛騰虛空猶如鵝王往詣佛所安詳不搖至地徐下即到佛前頭頂礼足右遶世尊及諸大衆凡七匝已退立一面尔時聖王及諸宮人從寶臺下王脫寶冠各脫革屣至世尊前頂礼佛足右遶世尊及諸大衆凡七匝已退坐

一面尔時寶莊嚴王佛即告之言聖王今來聽正法乎尔時治世聖王即從座起齊整衣服頭頂礼足而白佛言世尊所說正法何者是乎尔時世尊讚治世王言善哉善哉能爲利益無量天人作是深問如來應供正遍知當爲大王分別解說治世聖王即白佛言世

君保天玉

十一

尊唯然願聞尔時佛告治世聖王言大王菩薩摩訶薩行般若波羅蜜通達一切法名爲正法所謂四念處四正勤四如意足五根五力七覺分八聖道分空無相無願通達平等名爲正法治世聖王白佛言世尊菩薩摩訶薩云何行般若波羅蜜於大乘中恒得勝進而

不退墮佛告治世聖王言大王菩薩摩訶薩行般若波羅蜜因正信故而得勝進何者正信知一切法不生不滅自性寂靜常能親近正行之人不應作法終不造作心離散亂聽受正法不見說者不見我聽勤修精進令得神通身心輕舉教化衆生不見我有神通能

化衆生受化何以故大王菩薩摩訶薩行般若波羅蜜不見我不見衆生二處平等則得勝進而不退墮大王菩薩摩訶薩行般若波羅蜜攝護諸根不令取著一切資生起無常想知法寂靜命如假借大王菩薩摩訶薩如是行般若波羅蜜於大衆中心不放逸大王菩薩摩訶薩行般若波羅蜜於其夢中尚不忘失菩提之心教化衆生令修佛道一切善根迴向阿耨多羅三藐三菩提見佛神力歡喜讚歎大王菩薩摩訶薩如是行般若波羅蜜則能速成阿耨多羅三藐三菩提是故大王當勤精進莫生放逸菩薩摩訶薩欲求法

者勿著五欲大王一切凡夫於欲無厭得聖
 智者則能捨棄人身無常壽命短促是故大
 王應離世間求出世道大王今者供養如來
 所得善根應作如是四種迴向自在無盡法
 無盡智無盡辯才無盡此四迴向與般若波
 羅蜜相應皆悉無盡大王菩薩摩訶薩行般
 若波羅蜜應淨身口意戒何以故為得聞思
 修故以方便力教化衆生以般若力降伏諸
 魔願力成就行不違言今時治世轉輪聖王
 聞佛所說甚深般若波羅蜜心生歡喜得未
 曾有即取寶冠自解纓絡供養如來捨四天
 下皆以奉佛作如是願常修梵行學此甚深

勝天王

十三

般若波羅蜜以決定心趣向阿耨多羅三藐
 三菩提王宮女人聞佛說法皆生歡喜發菩
 提心脫上分衣及寶纓絡供養如來治世聖
 王即捨寶臺以奉上佛而求出家今時功德
 莊嚴王佛讚治世轉輪聖王言善哉善哉大
 王今日所行不違昔願大王善修布施持戒

忍辱精進禪定智慧過去諸佛已修此法得
 成佛道未來諸佛亦修此法當得成佛今時
 治世聖王白佛言世尊菩薩摩訶薩修行布
 施為與般若波羅蜜異不佛告治世聖王言
 大王夫布施者若無般若波羅蜜但名為檀
 非波羅蜜以般若波羅蜜故乃得名為檀波
 羅蜜持戒忍辱精進禪定智慧亦復如是何
 以故般若波羅蜜性平等故功德莊嚴故佛
 說是法時治世聖王得無生法忍佛告勝天
 王言菩薩摩訶薩行般若波羅蜜應如彼王
 今時治世轉輪聖王即然燈佛是其王千子
 賢劫千佛是今時勝天王白佛言世尊云何
 菩薩摩訶薩行般若波羅蜜修學速成阿耨
 多羅三藐三菩提道佛告勝天王言大王菩
 薩摩訶薩行般若波羅蜜修習大慈於諸衆
 生不起惱心具足勤行諸波羅蜜及以四攝
 四無量心助菩提法修學神通了達優波憍
 舍羅一切善法無不修滿如是行者則能速

勝天王

十三

成阿耨多羅三藐三菩提大王菩提道者所謂信心清淨心離諂曲心行平等心施無畏心今諸衆生成悉親附勤行布施果報不盡堅持淨戒而無障礙修行忍辱離諸瞋惱勤加精進修行則易以有禪定不起散乱具足般若能善通達有大悲故終無退轉有大喜

故能悅彼心修行大捨不起分別無三毒故離諸棘刺不着色聲香味觸故滅諸戲論無煩惱故遠離怨敵捨二乘念其心廣大具一切智能出衆寶大王菩薩摩訶薩行般若波羅蜜如是學者速成阿耨多羅三藐三菩提爾時勝天王白佛言世尊菩薩摩訶薩行般

若波羅蜜現何色貌教化衆生佛告勝天王言菩薩摩訶薩行般若波羅蜜示現色形無有定相何以故隨諸衆生心之所樂即見菩薩色貌如是或現金色或現銀色或玻璃色或琉璃色或碼碯色或硨磲色或真珠色青色黃色赤色白色或日月色火色焰色帝釋

色梵王色霜色雌黃色朱色占蔔迦色須摩那色婆利師迦色波頭摩色拘物頭色分陀利色功德天色鶻色孔雀色珊瑚色如意珠色虛空色天見是天人見是人大王十方恒河沙世界中一切衆生色形相貌菩薩摩訶薩悉現如是何以故菩薩摩訶薩行般若波

羅蜜不捨一切衆生故遍能攝取何以故一切衆生心各不同是故菩薩種種示現何以故菩薩摩訶薩過去世中有大願力隨諸衆生心所樂見而受化者即爲示現所欲見身大王如淨明鏡本無影像隨諸外色若好若醜種種悉現亦不分別我體明淨能現衆色菩薩摩訶薩行般若波羅蜜亦復如是無功用心隨衆生樂種種示現悉令悅彼而不分別我能現身大王菩薩摩訶薩行般若波羅蜜於一座中隨諸聽衆或見菩薩說法或見佛說法或見辟支佛說法或見聲聞說法或見帝釋或見梵王或見摩醯首羅或見韋紐

羽勝王

十四

天或見四天王或見轉輪聖王或見沙門或見婆羅門或見刹利或見毘舍首陀或見居士或見長者或見坐寶臺中或見坐蓮華上或見行在地上或見飛騰虛空或見說法或入三昧大王菩薩摩訶薩行般若波羅蜜為度衆生無一形相及一威儀不示現者大王

般若波羅蜜無形無相猶如虛空遍一切處譬如虛空無諸戲論般若波羅蜜亦復如是過諸語言又如虛空世所受用般若波羅蜜亦復如是一切凡聖之所受用又如虛空無有分別般若波羅蜜亦復如是無分別心譬如虛空容受衆色般若波羅蜜亦能容受一

切佛法譬如虛空能現衆色般若波羅蜜亦復能現一切佛法譬如空中一切草木衆藥華果依之增長般若波羅蜜亦復如是一切善根依之增長譬如虛空非常無常非語言法般若波羅蜜亦復如是非常無常悉離言語大王世間沙門婆羅門若釋若梵無能思

量般若波羅蜜者大王般若波羅蜜無有一法可為譬喻若善男子善女人信受般若波羅蜜者所獲功德不可思量若此功德有色形者空界不容何以故般若波羅蜜出生世間及出世間一切善法若人若天若天人王若須陀洹向須陀洹果乃至阿羅漢向阿羅

羽勝天三五

十五

漢果辟支佛道菩薩十地十波羅蜜諸佛阿耨多羅三藐三菩提一切種智十力四無畏十八不共法皆從般若波羅蜜生說是法門時衆中五萬菩薩摩訶薩得不退轉一萬五千天子得無生法忍一萬二千天人遠塵離垢得法眼淨恒河沙數衆生發阿耨多羅三藐三菩提心諸天空中作衆伎樂不鼓自鳴散衆天華供養如來般若波羅蜜天龍夜叉軋闍婆阿脩羅迦樓羅緊那羅摩睺羅伽人非人等散種種華及諸寶物供養世尊般若波羅蜜異口同音一時讚曰善哉善哉世尊快說般若波羅蜜

延聖院監清滿書

勝天王般若波羅蜜經卷第五

羽

真脰下善思惟矜高上居陵也姪他上也莎

吼羅後上聲婆下同底下禮拏下女造多上物

桑和舊音茶上聲柘之夜祢女遺同阿

毘下音社時者施他羈反哀反青紺

下古暗也則靡緬彼也園苑謂之行狂音能青紺

苑之鳧同音鵠下胡狂音能青紺

柱兒韋下女翔上音革下毘舍首陀

也亦韋細翔集革屣毘舍首陀

也亦韋細翔集革屣毘舍首陀

也亦韋細翔集革屣毘舍首陀

勝天王般若波羅蜜經卷第六

陳優禪尼國王十月婆首那譯

勝天王般若波羅蜜經述德品第十

爾時文殊師利菩薩摩訶薩即從座起偏袒

右肩右膝著地合掌向佛頭面作禮而白佛

言世尊菩薩摩訶薩於幾劫數行般若波羅

有六

蜜供養幾佛而能如是對揚如來說甚深般

若波羅蜜如勝天王爾時佛告文殊師利菩

薩摩訶薩善男子如此之事不可思量若非

無數百千億劫修習眾行種善根者則不聞

是般若波羅蜜名善男子十方恒河沙世界

中諸恒河沙數尚可知是菩薩摩訶薩幾劫

行般若波羅蜜供養幾佛數不可知文殊師

利過去無量無邊阿僧祇不可思議劫爾時

有佛名曰多聞如來應供正遍知明行足善

逝世間解無上士調御丈夫天人師佛世尊

國名曰光劫名增上時多聞佛為諸菩薩摩

訶薩說清淨法門諸善男子勤修精進莫顧

身命時彼會中有一菩薩摩訶薩名曰進力

即從座起偏袒右肩右膝著地合掌向佛頭

面作禮而白佛言世尊所說勤修精進莫顧

身命如我解佛所說義者菩薩摩訶薩應當

懈怠爾乃速成阿耨多羅三藐三菩提何以

故菩薩摩訶薩若勤精進是則不能久住生